

AI

M A R I A E S T U A R T A E

Serenissimae ac Potentissimae Magnae
BRITANNIAE, GALLIAE,
ET HIBERNIAE

R E G I N A E

A U C T O R I T A T E

Illustrum ac Praepotentium Trajectinae dioceseos
Ordinum iusta persoluta

C U R A

JOANNIS GEORGII GRAEVII

In basilica majore.

D. V. Martii, quo Londini efferebatur.

A. clō lōc xcv.



TRAJECTI AD RHENUM;

Apud FRANCISCUM HALMAM, Academix Typographi,
clō lōc xcv.

M A R I A E STUARTAE

Septuaginta et sex annorum aetate

BRITANNIAE, GALLIAE,

ET HIBERNIAE

R E G I N A E

ACTUS 1603

In aetate de septuaginta et sex annorum aetate

Obiit 1603

C O M M O D O

JOHANNIS GEORGIUS GRAFFIUS

In aetate de septuaginta et sex annorum aetate

D. N. Aetate de septuaginta et sex annorum aetate

A. cl. 1603



THEATRIUM

In aetate de septuaginta et sex annorum aetate

C O M M O D O

11
ILLUSTRIBUS
ET
PRAEPO TENTIBUS
POPULI
TRAJECTINI
ORDINIBUS
ELECTIS
EQUESTRI ORDINI
CONSULIBUS
ET
SENATORIBUS
INCLYTAE URBIS
TRAJECTI BATAVORUM,
NEC NON
CETERIS HUIUS
DIOECESEOS
MAGISTRATIBUS

ORATIONEM,
QUA VESTRO JUSSU,
ET

AUCTORITATE T
AUGUSTAE
MARIAE
MAGNAE BRITANNIAE,
GALLIARUM

ET
HIBERNIAE
REGINAE
MANIBUS
PARENTAVI

L. M. Q. D. D. D.
JOANNES GEORG. GRAEVIVS
AD NULLUM NON
OFFICII ET OBSEQUII GENUS
VOBIS DEVOTISSIMUS.

JO.

JOANN. GEORG. GRAEVII
ORATIO

In obitum Serenissimae ac Potentissimae

P R I N C I P I S

M A R I A E

Magnae Britanniae, Galliarum

& Hiberniae Reginae.

ILLUSTRES. ET. PRAEPO-
TES. POPULI. TRAJECTINI.
ORDINES. ELECTI. EQUITES.
MAGISTRATUS. NOBILISSI-
MI. ET. AMPLISSIMI. CONSU-
LES. ET. SENATORES. ACA-
DEMIAE. CURATORES. GRA-
VISSIMI. CURIAE. PROVIN-
CIALIS. SENATORES. MA-
GNIFICE. RECTOR. CLARIS-
SIMI. PROFESSORES. COLLE-
GAE. CONJUNCTISSIMI. VE-

A

NE-

NERANDI. VERBI. DIVINI.
 PRAECONES. DOCTORES.
 OMNIUM. DISCIPLINARUM.
 ERUDITISSIMI. VOSQUE. CE-
 TERI. OMNIS. LOCI. ET. OR-
 DINIS. AUDITORES. GRA-
 TISSIMI. TU. DENIQUE. LE-
 CTISSIMA. JUVENTUTIS.
 CORONA. SPES. PATRIAE.
 NOSTER. AMOR.

Effertur hodie magnae Britan-
 niae maxima Regina. Huc ne
 nostrae res sunt prolapsae, ut,
 quod unum nostris deerat mi-
 seriis, tristissima haec tempora tan-
 quam tristitiae quidam cumulus exaspe-
 raret acerba mors Augustae Mariae,
 quae infando & vix consolabili dolore
 Britanniam afflixit, Belgicam exanima-
 vit, consternatione & angoribus orbem
 terrarum implevit. Coeperant jam ful-
 gere candidiores soles, & omnium ani-
 mi ad spem laetioris fortunae, rerum-
 que

que faciliorem erigi, cum subito nec opinata procella, tanquam fulmen sereno coelo magno cum fragore & terrore missum, prosternit & percellit omnia, & ab optima spe cunctos traducit ad summam timorem & sollicitudinem. Heu quam repentina & volucris est rerum humanarum vicissitudo! Itaque videmus omnium non modo cultus, sed ora immutata esse tanti mali sensu & dolore, qui alte in imas medullas demissus nullis allocutionibus & solatiis leniri, nedum exhauriri posse videtur. Nam cum sanctissima Regina ipsa Britannia & Belgica quasi effertur. Patres Patriae videmus atratos pallere defixis humi oculis, qui lachrymis manant, tristisque silentio tanti doloris, qui in praecordiis saevit, acerbiter prae se ferre. Nec levior est luctus maximi significatio, quam dat passim omnis ordo, aetas, sexus gemitibus, suspiriis, planctu, flebilibusque querelis. Nec incuntis aetatis inscitia, nec decrepitae obliuio torpor, nec stupor agrorum, nec mulierum domi sedentium

simplicitas expers aegritudinis est , qua premimur. Nec soli homines, sed rustres casae, urbium tecta, fora, curiae, tribunalia, lycea, horrida, muta, senio confecta squalent & dolere videntur, quod, collapso hoc columine suo, non ipsa solo aequata conciderint. Ipsi hujus augusti templi parietes, ipsae hae exedrae pullatae ac sordidatae incredibilis aegrimoniae documenta oculis & animis ingerunt. Nullus denique locus est, in quo non fixum sit aliquod monumentum publici & insolabilis luctus. Cum Drusi Germanici, qui singulari virtute benevolentiaeque in omne genus hominum, tam civium, quam exterorum Regum & populorum voluntates sibi mire conciliaverat, mors Romae nunciaretur, insania quadam doloris inflammati Romani lapidabant templa, subvertebant Deorum aras, lares in publicum abjiciebant, partus conjugum exponebant patres familias, stulte illi quidem & flagitiose, qui suis diis, quibus irascebantur ob creptum Germanicum, invidiam facere volebant, ejurato illorum cultu. Nos nobis nostris-

strisque noxis irascimur, quibus Deus infestus abstulit nobis Optimam omnis memoriae Reginam alienissimo tempore, in ipso aetatis flore: nec tamen minus impatienter dolemus, quam illi prisci Quirites, quamvis longe absimus ab illorum impia pietate. Nam insanabilis haec, quae nobis imposita est, plaga, ita lacerat omnium mentes, ut infiniti doloris cruciatus vincat omnem consolationem, & imbecillior sit quaecunque medicina gravissimo, in quo cubamus, morbo. Magnitudo lethalis vulneris ne admittit quidem medentium manus. Ut vero luctuosa est bonis omnibus tantae Reginae mors, sic vix ullis, si a Rege discefferimus, luctuosior & flebilior accidit, quam Illustrissimis Traiectini populi Patribus. Hujus justissimi mocroris & incredibilis desiderii quot extant ubique signa & argumenta. Ejus tamen vim & magnitudinem mea quoque voce testatam aliis, omnique posteritati cognitam esse voluerunt.

Quam vellem nescire litteras! Ve-

B

riore

riore haec animo dico, quam ille Imperator subscripturus rei capitalis supplicium dixit. Quam vellem nescire litteras! Horret enim animus & refugit feralis hujus muneris ministerium, & propter gravitatem doloris, qui omnes partes mentis meae sic fregit & debilitavit, ut aegre se queant colligere, &, licet maxime vigeret animus, nulla molestia perculsus & afflictus, quia conscientia infantiae meae commoveor, & me maximis divinae Reginae laudibus & meritis praedicandis imparem agnosco. Duo tamen sunt, quae me non nihil confirmant, & quidam quasi inspirant animulae, laus obsequii, quae semper mihi fuit antiquissima, & certissima persuasio, neminem, licet ab omnibus ingenii & doctrinae copiis sit paratissimus, & diserte ornatque dicendi gloria mortales omnes antecedit, posse non dicam dicendo, sed ne cogitando consequi Augustae Mariae laudes, quae una in omni genere laudis eminuit non solum supra sui sexus & sui seculi captum, sed supra omnis

tem-

temporis laudatissimarum Heroinarum exempla , ut unica Regina , aut verius Reginarum Regina sit & merito suo praedicetur. Nulla vero laus major esse potest , quam non posse a quoquam satis digne laudari. Dicam igitur de MARIA STUARTA , quia dicendum est , non pro argumenti dignitate , cujus numeros implere nullus mortalium potest , sed pro meo captu & copia. Nec dubito , quin vos , quotquot adestis cujuscunque loci & ordinis Auditores , pro vestra in incomparabilem Reginam pietate , secundis auribus sitis excepturi quicquid dixerō , licet nec respondeat Reginae meritis , nec expectationi vestrae. Dum ego illorum servio voluntati , a qua nostra nunquam debet discrepare , vos quoque vobis mea impenſa voluntate parendi patiemini , spero , satisfacere , quamvis vires studium animi destituant.

Nolo , Auditores , in hoc vestibulo multus in illis esse , in quibus vulgo parentantium manibus eximiorum ho-

minum oratio solet exsultare. Nihil dicam de magna Britannia, fortunatissima quot quot sol adspicit insularum, genitrice Imperatorum, alumna tot potentissimorum Regum, & rebus in omnibus orbis terrarum plagis praeclarissime gestis clarissimorum, nutricula tot viro- rum fortissimorum, domicilio defaecatae religionis & omnium laudatarum artium, sede libertatis, in qua Maria vitalem spiritum hausit. Nihil de majestate augustissimae familiae Stuartiae, cujus lux latissime diffusa in sui admirationem omnes populos dudum convertit, a qua sanguinem & genus ducit. Patriae admirentur & jactent felicitatem, quibus patria est ornamento, non qui patriam ornant. Diva Stuarta, quacunque in terra fuisset nata, digna fuisset judicata illo excelsa loco, in quem eam posuit fors nascendi, manibus quasi benignioris naturae ad regium decus conformata. In ipsis tenebris luce sua nituisset, tanta virtutis indoles a teneris annis in Ea fuit. Illustris familiae decus majorum virtute partum apud omnes

omnes populos suspicitur. Est enim nobilitas generis blanda conciliatricula & quasi sui lena, nec tantum sibi ipsa suffragatur ad immortalem gloriam, sed & posteris praelucet ad maximas dignitates & honores per longissima temporis spatia. Ut gemmae in auro splendidius nitent, sic in nobilitate virtus magis fulget. Qui tamen nominibus inflantur, & majorum tument imaginibus, nulla virtute subnixi, indigni sunt, qui illis decorentur. Excidunt nobilitate, qui ejus dignitatem superbia, socordia vitiisque aliis infuscant. Illustrissima familia Stuartia imaginum multitudine & claritate, victoriis, triumphis, meritis in Christianum nomen maximis nulli Regiae familiae cedit, ut, si genus spectes, Maria ne majora quidem optare potuerit. Tanta tamen & tam incredibilis hujus Principis admirandarum virtutum fuit magnitudo, ut majores suos magis illustraverit, quam ab iis illustraretur, pluraque ornamenta contulerit ad Illorum gloriam amplificandam, quam Eis referret accepta.

C

cepta. Quae in singulis Illustrissimae profapiae praecipua decora mirati sunt homines, ea universa, quae quidem in hunc sexum cadere possunt, in MARIAM omnibus animi, corporis & fortunae bonis cumulatissimam Deus bonorum omnium dator contulerat largissime. Sed cur in his moror quae cum majoribus suis Ei sunt communia, cum tam multis suis & propriis affluat ornamentis. In his principem locum tenere pietatem in Deum, & religionis studium nemo vestrum dubitat.

Quod sol est in coelo inter sidera, hoc in virtutibus est pietas. Omnis lux est a sole. A pietate & religione tanquam unico & liquidissimo fonte manant ceterae virtutes, quas illa sinu & complexu suo continet. Quae prudentia, quae fortitudo, quae fides, quae moderatio, quae benignitas in ullo poterit inveniri, qui non compresserit animi motus turbulentos, cupiditatis impetus coercuerit, dignitati servierit & officio. At hoc est unius religionis opus. Augusta Maria quo inflammata fuerit

fuerit studio religionis, quo mentis ardore incensa fuerit in pietatis cultum; non auderem commemorare, nisi omnibus essent testata, qui non modo fuerunt in ejus comitatu, sed & legatis Regum & exterarum gentium, qui versati sunt unquam in aula Reginae. Fidem vix invenient in primis apud illos, qui regiarum, & eorum qui in illis adoleverunt ingenium & mores non ignorant, aut qui persuasum habent, religionem, pietatem, pudorem esse nomina, quibus populo imponatur, aut saltem privatorum bona. Qui inter homines pietate censeretur volunt, si quotidie matutinis & vespertinis precibus Deum placarunt, particulam aliquam ex divinis sacrarum litterarum monumentis delibarent, rei divinae, quoties ei operantur publice praecones & interpretes coelestium oraculorum, interfunt, praeclare functi officio esse putantur, & merito sane in tanto sacrorum neglectu & contemptu horum laudatur pietas. Non his angustis finibus religio Mariae circumscribatur.

Mane simul ac corpus nocturna quiete
 refectum levarat lecto, binas horas in
 precationibus & lectione contemplatio-
 neque rerum coelestium sola in thalamo
 regio consumebat: si ardua negotia ma-
 turius eam avocarent ad tractandum re-
 gnum, malebat de somno debitis horis
 aliquid decerpi, quam momentum pe-
 rire temporis, quod Deo consecrarat.
 Hora nona in aulicum se recipiebat sa-
 crarium, ibique cum cohorte regia, &
 quicumque Reginae pietate commoti
 eo concurrebant, Deo castissime sup-
 plicabat. Haec vesperi iterabat hora
 quinta singulis, quot quot cunt, die-
 bus. Nullis lusionibus, nullis licitarum
 voluptatum blandimentis, nullis Prin-
 cipum legatorumque regionum saluta-
 tionibus unquam ab hac statuta sacrorum
 functione se patiebatur avocari. Hanc
 legem sibi ipsa dixerat ista sollemni
 caeremonia quotidie Deum placandi.
 Ab hac sanctissimae vitae secta non po-
 terat avelli. O singulare ac inusitatum
 in tanto fortunae fastigio, in ista aeta-
 tis integritate & aestu, in ista delicia-
 rum

rum & voluptatum abundantia , in qua
raræ , quod ille ait , aræ fumant , re-
ligionis studium ! quod , fat scio , mi-
ramini omnes. Audite quæso , audie-
tis , quæ majore Reginam afficient ad-
miratione. Guilielmus Arausionensis
Princeps , cum una eademque clarissi-
ma Britanniae voce sollicitaretur & vo-
cetur ad vindicanda sacra , quæ pol-
luebantur , ad asserendas leges , quæ
demergebantur , ad Britanniae , & ,
quæ per ejus latus petebatur , Europæ
stragem , vastitatem , servitutem , quæ
omnium cervicibus impendebat , de-
precandam , instinctu quodam Numi-
nis , secunda omnium Regum & Prin-
cipum voluntate , si eos exceperis , qui
haec mala miscebant & machinabantur ,
Britannicam susceperat expeditionem.
Interea piissima MARIA non tres qua-
tuorve horas , ut alias solebat , sed
totos dies in precibus , in obsecrationi-
bus , in celebratione sacrorum , tam do-
mesticorum , quam publicorum versa-
batur. Cum iis perfuncta esset in ec-
clesia Britannica , Gallicam adibat ,
D exist-

exinde frequentabat Belgicam, in quibus omnibus diversis horis quotidie tum vota nuncupabantur pro salute Maximi Principis, & pro felici successu hujus profectionis institutae pro Christiani nominis conservatione, proque illius dignitate tuenda. Hinc non mirum tam faciles aures praeuisse Superos quorum agebatur causa, tam supplici sanctissimae MARIAE, & tot bonorum precationibus. Verum redeo ad MARIAE quotidianas pietatis meditationes. Tempus dici reliquum, quod regni procuratio absente Rege sibi non vindicabat, non conterebat in sermonibus de vanissimis rebus, in fabulis audiendis de amoribus Principum & illustrium foeminarum, non in lectione Milesiarum nugarum. Evolvebat aut ipsa, aut recitari sibi jubebat ab aliis vel divina monumenta, vel alios libros, qui arcana doctrinae Christianae capita dilucidabant, aut salutaribus praecptionibus vitam ad honestatem & officium incitabant. Sacri sane codicis, quem vates aliique coelestes Viri Numinis

minis afflatu litteris confignarunt , lectione tantopere capiebatur , ut e manibus nunquam deponeret , sed quotannis bis eum pervolveret a capite ad calcem , semel ipsa in suo cubiculo , iterum in sacello aulico , ubi in quotidianis sacris , de quibus dixi , tantum indies recitabatur a sacrorum antistite , quantum ad absolvendam annua die totius codicis lectionem requirebatur. Estne inter nos, Auditores, de iis non loquor, qui rei divinae curationi praesunt , est ne , cui in manibus sint tam assidue oracula divina ? Est ne , qui tanto studio , tanta illa verset diligentia , sed & tanto cum profectu. Omnem disciplinam Christianae religionis ita pervestigaverat Regina , ita imbiberat , ita memoria sepeferat , ut plurimos viros , qui omne vitae tempus in hac coelesti doctrina perscrutanda posuerant , anteiret , ut omnium , qui verum nitebantur omni studio & summis viribus labefactare , impetus sollertissime retunderet , & nullis blanditiis , nullis minis , nullis periculis a vera do-

etrinae tuenda posset deterreri.

Video non paucos, qui quae hactenus dixi aequis acceperunt auribus, adducere frontem, & tacitos mirari, mihi frontem periisse, qui Reginae non grandi natu ea tribuerim, quae pauci potuerunt consequi, qui in divinarnm disciplinarum studio consenuerunt, ut me aut foedae insimulent adulationis, aut illius levitatis, qua non nulli oratores immodico illorum, quae instituerunt laudare, studio ablati, nimis quicquid laudant verbis exaggerant, & in majus, quam vere sunt, extollunt.

Vereor ne in me crimentur, quod seculo superiore criminabatur in Gualtero Haddonno, Magistro libellorum supplicum apud magnam Elisabetham, alterum Reginarum Britannicarum decus immortale, Hieronymus Oforius, Sylvensis apud Lusitanos Episcopus, homo suae memoriae disertissimus. Rescripserat Haddonus epistolae Oforii ad Elisabetham datae, qua novatores, ut ille vocabat, asperissime fuerat infectatus. Haddonus in responsione praedi-

caverat Reginae rerum divinarum prudentiam, monebatque Oforium caveret, ne in ipsum Elisabetha stringeret lubricationis telum. Indignissime id ferebat Oforius in libris criminosis, quos reposuerat Haddonianae defensionis, & Haddonno inurebat impudentis adulationis notam. Facile se pati aiebat Oforius, in Regina laudari elegantiam ingenii & doctrinae, humanitatem, Graecae & Latinae linguae peritiam, philosophiae cognitionem, sed Theologicae scientiae laudem tribui foeminae, id vero ferri, id credi non posse clamabat. Aetate tamen Elisabetha tum superabat Mariam. Verum facile ego, Aud. suspicionem adulationis dimovebo, si quod adhuc fecistis, attenderitis diligenter. Quid praestare potuerit Elisabetha nunc non disputo, quid praestiterit Maria narrabo Vobis sine fuce, nulla lecytho adhibita, rem dignam, quam omnes gentes audiant. Inde ipsi existimate, assentatoriene locutus sim, aut, ut alii mollius dicunt, oratorie, an simpliciter, vere, fideliter.

E

Pa-

Pater Mariae Rex Jacobus, cum accessisset ad rempublicam, omnes curas, cogitationes, omnem denique mentem in hoc figebat, ut multa, quae Majores Ejus & Ordines regni fecerant decreta de tuenda infucata religione refigerentur, imprimis ut lex antiquaretur, quae lata erat de jure jurando, quo cives obstringebantur in nomen & verba Regis, tam in iis quae ad regni gubernationem, quam in iis, quae ad sacra constituenda pertinent, ejurata omni potestate & facultate, quam aut Pontifex Romanus, aut ullus mortaliū sibi vindicavit, aut vindicare vellet de sacris aliquid sancienti & statuendi. Maria palam prae se ferebat sibi hanc rationem non probari, nec posse ab animo suo impetrare, ut iis assentiat, qui urgerent, hujus sacramenti religione Britannos esse solvendo, nec in posterum quenquam illo esse adigendum. Rex hujus rei certior factus, mandabat legato, qui Hagae Comitis erat, ut Mariae ostenderet, eique persuaderet male illam sentire de hoc parentis.

rentis sui consilio falsis inductam rationibus. Legatus non impigre captata prima quoque Mariam compellendi occasione, mollibusque fandi temporibus, longo sermone Reginam de hoc negotio habito detinet, allatis nec paucis, nec vulgaribus argumentis ex sacris litteris, multis testimoniis, petitis ex priscis ecclesiae sanctissimis doctoribus, non una ratione prompta ex notitiis rerum, quas natura nostris iniecit mentibus. Cum audivisset attente quae aferebantur Regina, non Laconice respondit. Disputationem & rationes legati tam prompte, tam acriter ex templo convulsit, omniaque illius argumenta tanta sollertia refellit, ut cum a Regina dimissus esset legatus, non posset teneri, quin in atrio aulae in coetu multorum magni nominis & dignitatis virorum, qui tum praesto erant, testaretur, & confiteretur, se nunquam in animum inducere potuisse ut crederet, esse in orbe terrarum foeminam, quae tanta doctrinae Christianae, ac sententiarum sibi in hujus

doctrinae capitibus probatarum intelligentia sit praedita ; quaeque tanta vi & pondere rationum quae sentiret posset sepius, ac tam valido praesidio munire contra quoscunque sive hostium, sive insidiatorum insultus. Addebat sibi esse persuasissimum, Principem hanc a nullo homine ab istis, quibus de religione imbuta erat, opinionibus deduci posse ; nec se ulli auctorem esse velle, ut hoc nomine denuo Illam compellaret quisquam, nisi velit operam ludere. In hanc sententiam legatus quoque Regi Jacobo scripsit.

In illa collocutione cum Britannico legato Sapientissima Princeps subtexebat, se non mirari satis posse, nec cogitatione quidem assequi, qui homo rationis & consilii non experts, qui rectum de Deo rebusque divinis sensum, verissimumque ejus colendi modum mente sit complexus, possit a nostris transire in Romanensium castra. Legatus, cum regessisset, vivum exemplum esse Illius parentem Regem Britanniae, respondit & sibi id dolori esse,

&

& mirari dudum unice, quo duce, quo auctore, qua occasione, quibus rationibus potuerit percelli ad purissimae veritatis arcem prodendam, ac quibus, illa relicta, praesidiis queat ejus niti securitas & tranquillitas animi. Haec sapientissima Maria.

Non longe post, cum dubium non esset haec omnia Regem Jacobum ex legati litteris rescivisse, grandem & ponderosam epistolam mittit Pater ad filiam, qua enarravit copiose occasionem, rationemque & viam, quam secutus sit in repudiandis nostris sacris, & complectendis Romanensium scitis & dogmatibus. Haec Jacobi epistola Mariae tradebatur ad vesperam dici Jovis, cum sequente die nunciis, qui illam attulerant, remigrandum esset in Britanniam. Quam cum summa cum attentione semel iterumque legisset, & considerasset omnia studiose, quae illa complectebatur, illico se responsioni accinxit, cui adornandae totam fere noctem impendit. Semel iterumque monita a nobilibus puellis, qui Ei erant

a cubiculo, tempus pridem fuisse cubitum eundi, rationem haberet valetudinis, quam insomnia vexaret, respondebat Regina sapientissima, somno praefendum esse officium respondendi Regis litteris, ne cras angustiis temporis excluderetur ad id munus persolvendum debitum Parenti. Se id accelerare, ne, si cras sine litteris elaberetur nuncius, suspicionem praeberet alieno ingenio ac Theologi cujusdam opera se usam esse in illis scribendis, quod si fieret, & Pater crederet alterius ingenii partum esse, carituras illas esse & pondere & fructu, quem sibi Superis bene volentibus de hac scriptione polliceretur. Argumentum erat praecipuum epistolae, quam Rex exararat, antiquitas & longa & immota stabilitas ecclesiae Romanae, fundata firmataque Christi Servatoris promissis: Tu es Petrus, & super hanc petram aedificabo ecclesiam, quam portae inferorum non convellent. His subnectebantur alia loca, argumenta & testimonia ad istam opinionem muniendam congesta. quae
om-

omnia in tantillo temporis spatio tam graviter, tam limato intelligenteque judicio refellit follertissima Princeps, ut Theologus summus, ac pauci quidam alii Viri dignitate & integritate conspicui, quibus exemplum hujus epistolae postea videre datum fuit, in admirationem rapti asseverarint, nunquam se quivisse sibi persuadere, talem epistolam, tam gravibus & efficacibus argumentis refertam potuisse ab ullo viro, nedum foemina scribi, nisi ab eo, qui totam vitam sacrarum litterarum studio devoverit. O ingenii divini celeritatem & perspicacitatem! o vim acerrimi judicii! Nullae insidiarum latebrae sunt tam occultae, quas Augusta nonprehenderit, nullae tam fallaces & speciosae argutiae, quae illam fefellerint, nulli nodi, quam duri visi sint prima fronte, quos non expedierit. Ite nunc, jactate adulationem, qui aut malevolentia suffusi, aut ignorantia obcaecati ad vestram tenuitatem Maximae Reginae maximas copias exigitis. Tantum abest ab omni adulationis opinione

haec oratio , ut omnibus jam liqueat , nullum verborum honorem tantum esse , qui non longe sit intra tantae Reginae merita. Vitae vero Augustae Mariae tanta fuit sanctimonia , ut Rex Guilielmus , cum fatis concessisset , Ejus pietatis in Deum , vitae integritatis , ac tam magnae rerum sacrarum cognitionis recordans , eruperit in hanc vocem , se , si credere posset , hominem natum esse posse sine labe peccati , de Regina id se crediturum esse. Tam integram castamque se servavit , ut in terris cum moraretur , viveret vitam coelitum , & quidem in strepitu aulae , ubi tot sunt irritamenta malorum , quae a pietatis studio avocant , tot illecebrae voluptatum , quae animos ad se rapiunt.

Ut vero divina Maria singularis pietatis & religionis amore flagravit , sic non potuit non alto & excelso animo esse. Nam qui se cultui castissimae religionis addixit , cum exploratum habeat se divino praesidio quasi obvallatum non deferi , non concidet animo ,
quam-

quamvis bellorum turbinibus omnia misceantur, terra tremore, coelum fragore concutiatur, omniaque praesentem intentent pestem & mortem.

Quanta fuerit exaggeratio altissimae mentis Mariae, quanta despicientia rerum humanarum, quanta constantia in asperrima fortunae tempestate, utinam possem, ut magna sunt, ita oratione magnifica explicare! infinita copia est rarissimorum & inusitatorum exemplorum, sed nec exilis ingenii ieiunitas, nec tempus perangustum permittit mihi in haec latissime patentia spatia excurrere. Paucis erimus contenti.

Quae fuerit animorum formido, qui terror, quae trepidatio, cum Guilielmus Arausionensis Princeps non tam Britanniae, quamvis & illa supplices manus tenderet, quam Dei vocatu, alienissimo tempore, clauso & infesto mari, ventis adversis & infano tumultu saevientibus, tantillis copiis contra tantas opes sequeretur Britanniam, meministi, credo, plerique omnes. Non potest enim tanta res ex ullius effluxisse

animo. Facilius sui quis possit oblivisci, quam formidolissimi temporis. Sola Maria impavida divinorum decretorum eventum expectabat, sola non egebat consolatione, sola trepidantes hortabatur & confirmabat, ut in viris muliebrem pavorem, in Maria virile robur & constantiam cerneret. Praeclara haec sunt, & omnium seculorum ac hominum praeconiis celebranda. Ludus tamen & jocus, ut ita dicam, sunt, praecis, quae jam audietis. Ingens malorum moles eodem tempore Britanniam & Belgium omni impetu irruebat. Omnia in earum pestem & exitium conspirasse videbantur, coelum, mare, terra. Grave vulnus acceperat foederatorum exercitus in congressione praelii Fleuriacensis. In ore ac oculis Britanniae offensus erat in classe navibus aliquot nostratum incensis & depressis, cum aliae retinerentur adversis ventis, ne possent laborantibus succurrere. Ex Hibernia nunciabatur, quamvis nostri vicissent ad Bovindam perduelles, Regem esse in ardore praelii vulneratum,

tum ictu tormenti. Rumor late manabat, Eum occubuisse, ut festi dies auctoritate publica nocte intempesta Lutetiae indicerentur, ut omnia fora, porticus, vici facibus & ignibus laetitiae dicam an stultitiae nulla seculorum longinquitate obscurandae indicibus collucerent, perinde ac si Rege Britanniae extincto debellatum esset. Haec omnia eodem fere tempore tumultuosius nuntiabantur, fama, ut fit, singula in majus extollente. Accedebat opinio hostilem Gallorum classem appropinquare ad magnum armatorum numerum exponendum in Britanniae littoribus, qui sint penetraturi in vitalia regni nudati propemodum omni praesidio militari, cum qui in armis essent, aut in Hibernia, aut in Belgio mererent. Vix credi potest, qui fuerit terror, tremor, pavor, quae consternatio procerum, populi, plebis. Regina nullum timoris, nullum solliciti animi, nullum tristitiae argumentum fronte, ore, verbis prae se ferebat, praesertim cum accepisset, Regis utrique hume-

mero vulnus quidem esse inflictum, sed non lethale, & sine debilitatis periculo. Vehabatur curru Maria per omnes urbis Londinensis vicos tam sereno vultu, ut in illo tranquillitas animi & securitas pelluceret. Populus videns Reginam omni perturbatione carere resipiscebatur, & ab illa vehementissima consternatione ad se redibat. Nec populus tantum recreabatur, & vultum ac animum reficiebat, sed etiam primates, Regis & Reginae amici omnium arcanorum participes. Nam cum eundem pacatum & angoribus vacuum animum ostendisset Regina in consilio, ubi de summa re deliberabatur, cum illa secessisset, Vir primi ordinis & loci testatus est, se, visa & audita Regina, meliore, quam ante fuisset, animo esse. Sibi modo tot malarum rerum confer-tim undique ingruentium nuncios horrorem incussisse ac ingentem sollicitudinem majorum calamitatum, quae impenderent, quaeque mox illas essent excepturae, verum se nunc relaxari, cum nec in Reginae vultu, nec in sermo-
ne

ne ullum perturbationis & sollicitudinis vestigium sit, sed quae eadem constantia, qua semper antea sit usa, in rem sapienter consulat, eodem consilio & iudicio praecaveat, ne quid domi labet, neve quid detrimenti capiat resp. foris vero provideat, qua ratione offensiones expiandae & jactura pensanda, hostiumque consilia discutienda sint. Haec cum cernat, nec posse se satis mirari incredibilem Reginae fortitudinem, nec credere tantum damni factum, ac tam malo loco res esse, quam vulgo existimentur. Quae Vir Illustris admirabatur, omnes gentes, omnis posteritas admirabitur. Tantum in foemina fuisse firmitatis, ut nullis iniquissimae fortunae minis potuerit de gradu dejici, quae animum & consilium viris excutiebat! Octavianus Augustus audita clade Variana stulte promittebat capillum & barbam, quasi submissam barbam metuerent Germani, ut vulgo homines prolixam caudam capillati sideris, muliebriter ejulabat, detestabili insania caput illidebat parieti,

H

fu-

furenter clamabat : Quintili Vare redde legiones , perinde ac si his clamoribus aut hostes terreri , aut manes caesorum possent ab inferis revocari in lucem. Et hanc quidem ille Augustus desperationem ac foeminei animi imbecillitatem prodebat , non secus ac Hannibal esset ad portas , aut proximus arderet Ucalagon , cum tres legiones in ultimis imperii Romani finibus apud extremos Germanos essent deletae. Quid nostra fortissima & sapientissima Regina , cum in vicina Belgica fusus esset exercitus , cum in conspectu & jugulo quasi Britanniae volitaret hostilis classis ornatissima , cum omnium oculis obversarentur rapinae , incendia , caedes , vastitates , si hostes , quod multi verebantur , improbi cives jactabant , perduelles optabant , in Britanniae littora impetum convertissent , absente Rege , peregrinantibus Britanniae armis aut hic in nostris terris , aut in Hibernia ? Non haec omnia movebant Mariam , non cedebat furenti fortunae , non animum ei submittebat , sed ibat
au-

audentius contra virtute nulla humana voce satis praedicanda, & tanta sublimitate animi, qua non modo vicit omnium hominum opinionem, sed se ipsa superavit. Tantum sane gloriae & dignitatis est consecuta, quantum vix summae virtutis Principi in hac vita optare fas est. Non minus enituit excelsi animi praestantia Reginae in moderate secundis, quam fortiter adversis rebus ferendis. Nunquam tanta potentia impotenter abusa est, nunquam in excelsissimo culmine illo rerum humanarum insolens ullum verbum nedum factum extitit. Sic enim decretat, non in insignibus regius, in orbe, in scepro, in diademate, sed in virtutis decore, in lenitate, benigne faciendi omnibus facultate verti maiestatem Regiam, eamque volebat spectari morum sanctitate ac suavitate, animi celsitate, non tumore, superbo contentu & intolerabili fastidio suorum civium, aliorumque omnium hominum, quod sibi arrogant Cecropidae, & tenuioris loci homines, quos paullo

laetiore vultu adspexit fortuna. Excellebat Regina imperii majestate non magis quam modestia, cujus quam multa edidit specimina: sed hoc singulare & admirabile. Vocabatur a populo Britannico cum marito Guilielmo in consortium regni, ut sicut tori, sic & sceptri esset socia, & ut paribus auspiciis imperium administrarent. Hanc potestatem nunquam exercuit, nisi cum Rex ad asserendum orbem terrarum aut ad Mosam, aut Scaldim, aut Bovindam foris fulminaret armis, & peregre proficiscens ejus dextrae regni habenas committeret, quas tanta sapientia, diis hominibusque applaudentibus, temporibus difficillimis regebat, ut civium nemo Regem abesse sentiret. Corpus Regis desiderabatur, virtutem & prudentiam nemo requirebat. In consilio regio cum de rebus gravissimis & valde impeditis tractaretur, nunquam sapientissima Regina haesitabat, titubabat nunquam, tanta erat ejus sollertia, tanta veri perspicientia, tanta consilii magnitudo, ut acutissime videret, quid
esset

esset opus factu , & celerrime reperiret rationem explicandi facienda. Nam & futura prospiciebat sapientissime , ut canere , non censere crederetur , & de instantibus judicabat verissime ; ut divinitus ex Oraculi responso hausisse videretur quamcunque dixisset sententiam : ut jure Rex , cum sapientissimam Mariam amisisset , quereretur , ex consilio suo se omnium consiliariorum optimum amisisse. Dictum magni Guilielmi audivistis verissimum , qui ipse ut virtute bellica , sic sapientia pacis nulli Regum , qui sunt , aut fuerunt , est secundus. Nunquam is peregre tantas res potuisset gerere , nisi domi habuisset , cujus fide & consilio nitetur. Nunquam enim certius naufragium reipublicae imminet , quam tibi ad gubernacula sedet , qui ipse regendus duce & moderatore eget. Tantum abest , ut ab alieno penderet consilio Regina , ut in ipsius sententiam saepissime , qui Ei erant a consilio , descenderent , quamvis ante diversa censuissent : saepe variis sententiis fluctuan-

tes graviter confirmavit. Vigilantiam vero Reginae quid vobis memorem? Dies noctesque tanquam in specula posita pro Britanniae & foederatae Belgicae salute & dignitate excubabat. Nunquam oculos de illarum custodia dejiciebat. Nihil magis Ei erat cordi, quam salus publica, libertas, populo- rum otium, Ordinum concordia, reip. universae quies & tranquillitas. Aequalitate concordi moderari parentes omnium curarum Ei fuit antiquissima. Quod cum praestaret mirifice, vicissim populi in Reginae corpore mortali venerabantur praesentem Deum immortalem, cujus in terris imaginem summae gerunt potestates, quae fide & sapientia implent omnia munera justae & legitimi imperii. Hinc facile improbissimorum hominum, qui captata Regis absentia pestem & exitium Ejus capiti, & regni ruinam & interitum machinabantur, effraenatum impetum non tam armis, quam suorum amore, quo munita erat, refutabat. Magna haec sunt, & omnis posteritatis ore celebrantur.

lebranda, sed tamen illis, qui ab Elisabetha non minore prudentiae ac moderationis commendatione imperium Britannicum gubernatum esse contendunt, non repugnabo. Sed hoc mirum & inusitatum, Reginam, cum ad puppim sedisset absente Rege, bonis omnibus civibus tam justum & clemens imperium faustis ominibus prosequentibus, exteris obstupescuntibus a muliebri manu tam scienter clavum imperii gubernari, simul ac Rex pedem intulisset in regnum, nullam partem curamve attigisse, perinde ac si Regi non nupsisset, nec ad se, quamvis confors esset imperii, nihil regni administratio pertineret. Evolvite, Aud. omnium temporum, omnium gentium annales, repetite memoria vobiscum, num quid quod cum hac moderatione Reginae possit conferri unquam legeritis aut audiveritis. Multae fuerunt Reginae, multae Principes foeminae, quae viriles curas induerunt, quae aut maritos habuerunt obnoxios, aut illorum voluntate participes regionum mun-

nerum fuerunt. Nullam invenietis, quae in societatem regni legitimis populi suffragiis vocata, regiam functionem obierit aliquando, quae non magnam curarum partem sibi vindicarit, & non crediderit sibi injuriam fieri, si non secum communicarentur consilia de regni administratione, nec de omnibus, quae gerebantur, adhiberetur, aut, si pari esset potestate cum marito, non & par jus sibi assereret. Imperandi consuetudine qui est inescatus, aegre potest privatum agere. Facilius Herculi clavam extorseris, quam his dominandi libidinem, nationi praecipue muliebri, quae procax est, impotens, avida potentiae, imperandi cupida, omnia divina & humana miscere docta, ut quod cupit consequatur. Ulysses ille stolatus ne potentia exueretur, quam tot annos exercuerat auctoritate viri munita, totam domum Augusti insidiis, fraudibus & sceleribus extinxit, non tam novercalibus odiis, quamvis & ea essent acerrima, quam libidine imperandi accensa, ut filium suum ad principa-

cupatum proveheret, sub ejus nomine & umbra dominatura, sic rebatur, ut antehac sub indulgentia mariti. Alia infinita muliebris impotentiae & cupidinis regnandi exempla recensere nec tempus fert nec locus iste. Et cui ignota sunt, cum omnis aetas talia tulerit monstra plurima? Tanto admirabilior est moderatio divinae Mariae, quae cum suo jure regnare posset, sed regnare nollet, nisi cum Guilielmus absens domo hanc Ei potestatem fecisset, quaeque non modo sine querela, sed laeta, sed ultro, abjiceret procurationem reip. tanquam durum & grave onus, quod sustinuisset invita, quoties Rex redux cuncta regendi curam in se recepisset. Huic tantae moderationi quae par poterit reperiri in omni seculorum memoria? Imperare sibi ipsam posse longe maximum & pulcherrimum regnum existimabat Regina. Illae lacrymae non fictae, quas ubertim fundebat, cum ab omnibus populi Britannici Ordinibus diadema Illi & Guilielmo decretum esse intellexisset,

K

quid

quid aliud testabantur, quam animum
Mariae ab omni regni cupiditate alie-
nissimum esse? Recordamini, credo,
quam invita, & quam dolenter se passa
fuerit a nostrae reipublicae sinu avelli.
Sed non licebat Illi obniti abstruso ae-
ternae destinationis consilio. Eundem
erat, quo vocabant fata, non ut de
arce deturbaret patrem, quod petulan-
tissimi tenebrionis procacissimum os nu-
per in piissimam Reginam ausum est
evomere: pater enim se ipse deturba-
rat everfione legum, sacrorum, & in-
stitutorum patriorum, antequam quis-
quam exterorum in Britanniam, ut ei
esset subsidio, venisset: sed ut patriae
destitutae, quiritanti, & fidem Numi-
nis, fidem Guilielmi & Mariae implo-
ranti, succurreret. Hoc enim unicum
erat conclamati regni Britannici re-
medium, nec alium habebat, ad quem
in illa desperatione decurreret. Hinc
advenienti Mariae tota Britannia dex-
tram quasi porrexerat, & summa conser-
vatricem suam excepit laetitia. Inde
nova & benigna lux in tanta caligine
&

& tam coeca nocte Britanniae affulsit, ut dies, quo inaugurata est cum Guilielmo Maria, alter Britanniae nascentis natalis fuerit habitus, qui senium & squalorem florentissimo antea regno deterferit. Admirabilis autem hujus modestiae, quam in omni vita tam raris argumentis orbi terrarum probavit, fons & scaturigo est illa, de qua audivistis, religionis cultura & pietas. Unde profluxit etiam illa intemerata conjugalis foederis fides, sine labe castitas, benevolentia in omne genus hominum, munificentia & liberalitas in miseros. Si quae unquam mulier, quae & natalium splendore & formae praestantia excelluit, mariti pudorisque fuit amantissima, ea sane fuit Diva Stuarta. Obsequentio rem marito quis unquam in privato lare vidit foeminam? Praetereo hic, quo dolore recesserit a Guilielmi latere, cum Ei paludato excedendum esset ex Britannia ad res depositas Europae restituendas. Praetermitto, quo gaudio & desiderio confectis Hibernis redeuntem Regem exceperit. Vul-

garia haec sunt matronarum munera, sed quod nunc commemorabo, singulare & illustrissimum mirifici cujusdam amoris est pignus. Cum Rex Jacobus maturata fuga regnum deferuisset, vacuo & quasi caduco regio solio, in confesso Ordinum deliberabatur, qui sufficiens esset in Jacobi locum: num Principi Arausionensi, & Mariae Ejus uxori insignia regni sint deferenda, ut aequata potestate rei summae praeessent, an soli Mariae, filiae Jacobi natu maximae, & per Eam Guilielmo Ejus marito. Multi ex Ordinibus ultimae subscribebant sententiae, hac tamen lege, ut Maria Regina crearetur, Principi autem Guilielmo Ordinum auctoritate committeretur tanquam Mariae consorti, regni administratio. Orator Principis cujusdam, qui tum agebat in Britannia, cum incerto rumore haec intellexisset, praeceps & credulus nimis, tanquam hoc inter Ordines jam convenisset, nuncio celerrime conducto, & jussu properare quantum posset citato itinere, ad hanc rem Principi,

pi, a quo missus erat, perferendum, sequente die Mariam Jacobi Regis maximam filiam publice Ordinum auctoritate declarandam esse per praecones Reginam Britanniae. Qui cito judicant ad poenitendum properare verissimum est monitum. Nuncio transeunda erat Haga, & haec nova praetereundo communicanda legati nomine cum Viro summae auctoritatis, summaeque apud Guilielmum & Mariam dignationis. Is qualis erat ad hunc nuncium in aulam confestim properat, Mariam hujus decreti Patrum certiore facit, Eique de regia dignitate gratulatur. Illa pro ingenio suo benigne quidem, sed minus familiariter vultu, & adductiore fronte, se nec sperare, ait, vera esse quae nuntiaret, nec Guilielmum hac conditione regnum tanquam muliebris beneficii munus accepturum. Poteratne, Vos ipsos interrogo Aud. Princeps optima tenerrimi sui amoris magnitudinem declarare illustriore argumento? Malebat se, malebat maritum regno carere, quam pati, ut regnum sui muneris faceret, & mulie-

L

bri

bri gratia id consequeretur Guilielmus, quod suae virtutis suffragatione, susceptis pro ejus salute tantis laboribus & periculis, promeritus esset. Hinc cum nonnulli Proceres primi Ordinis, qui Mariae causa valde volebant, obstinate summa contentione, urfissent, ne aliis legibus regnum Guilielmo decerneretur, quam his, de quibus dixi, summaque asseveratione dixissent, omnes in hoc gratiam a Maria inituros. Hoc Illa tam irate tulit, ut Regina paullo post creata palam quæsta sit de istorum perversa ratione, nolueritque diu admittere, qui sic censuerant, ad regiam manum adorandam. nec admisit, nisi post satis longi temporis intercapedinem ab ipso Rege expugnata. Quid fieri aut fingi potest amantius? Quo clariore indicio poterat ostendere sibi marito nihil carius esse: nihilque tam optabile in rebus humanis; non ipsum sceptrum & diadema, propter quod multae pudorem, religionem, Dei hominumque verecundiam exuunt, sibi tanti esse, si ullius frigusculi præbere posset occasionem,

nem, aut a Guilielmi causa & rationibus, quas suis semper anteposuit, esset se junctum. O conjugalem fidem singularem! o admirabilem amorem Reginae, qui nunquam satis potest laudari! Infinita sunt hujus mirifici & incredibilis amoris erga Regem exempla, quibus recensendis nec lingua, nec dies sufficeret. Unum tamen in tanta copia maxime illustre silentio praetervehi non potest. Anno octuagesimo quarto hujus seculi, Regis cujusdam orator, quem nominare non est necesse, Hagae Comitatus indignum facinus machinatus est, & in ejus societatem sollicitaverat nonnullos ex comitatu Principis Arausionensis. quod cum emanasset gravius stomachum Principi alioquin tam leni, ut quibusdam lentus esse videretur, movit, quam ut posset dissimulare. A Rege, cum fama justissimae indignationis ad eum, ut est credibile, pervenisset, revocabatur Haga legatus. Cum reditum radonaret, sibi discedendum ante non putavit, norat enim Regum & Principum

manus esse longas , quam Guilielmum sibi mitigasset. Mitissimus Princeps , legato & per interpretes , quos allegaverat , & per se ipse sane quam demisse , & infimis obtestationibus satisfaciendi criminis gratiam magno animo fecit. Quam tamen a Maria nullis allegationibus , nullis , quasunque offerret , satisfactionis expiationibus impetrare poterat. Miranti cur tam implacabilem se praeberet Maria , cum nihil contra Illam in se admisisset , nec ullo Eam verbo factove laesisset , cum Guilielmus merito sibi infensus delicti veniam petenti ignovisset, jussit per internuncios Illa referri , non difficilem & inexorabilem se futuram , si in se peccasset , injuriae in maritum intentatae se oblivisci non posse , nec illi tam facile placari , qui tam graviter offendisset Guilielmum. Quis hanc conjugalem fidem , hunc inusitatum Reginae amorem maritalem satis praedicare potest ? Ego sane ne perinde quidem ut debeo illum possum admirari. Non minus amabat Rex Reginam , quam ab illa amabatur.

Non

Non tantum nunquam secum in gratiam redierunt, sed tanta quoque ex hoc amore mutuo extitit animorum & consiliorum consensio a primo auspiciatissimi connubii die, ut idem vellent, idem nollent, eademque esset de rebus omnibus, privatis, publicis sententiarum conspiratio, ut, licet corpora longis terrarum intervallis dividerentur, animi tamen & voluntates essent consociatissimae, & incredibili quadam ratione consentirent in rebus maxime arduis & dubii eventus, in quibus explicandis haerere acutissimi & rerum usu inprimis exercitati homines tanquam in salebris inextricabilibus, ut non modo viderentur eodem, quod ajunt, fidere nati, sed in duobus corporibus una diversari & habitare anima. Ne quid me fingere putetis, en Vobis, quod supra fidem est, stupendae animorum convenientiae specimen. Anno abhinc tertio, cum tantum quod Rex appulisset in Batavia, Illi hic, Reginae in Britannia curanti non incertis auctoribus, nec uno ex loco signifi-

ficabatur, Gallos ornasse classem, quam cum valida pedestri manu transmissuri essent brevi in Britanniam, exscensuque facto late terrorem circumlaturi, enixeque omnibus viribus nifuri, ut Jacobo, quod ipse abjecerat, redderetur diadema. Rex ancipiti periculo circumventus suspenso & sollicito animo dubitabat, recurreretne in Regnum, an in Belgio subsisteret ad refraenandam ferociam & discutienda hostium consilia. Illud suadebant plurimi, qui in Britannia Regi erant a consiliis secretioribus, nec pauci purpuratorum, qui hic circa Regem erant, idem sentiebant. In hoc aestu curarum post anxiam deliberationem tandem Rex decrevit, in Britanniam liburnicas, quae se huc deportassent, remittendas esse, bellicas autem naves, quae hic Ei essent praesidio, sic in statione collocandas, ut si res exigeret, celerrime posset ipse trajicere. In Britanniam vero mittit, juberent quadraginta rostratas ex classe cursum cum Praetore dirigere in oras Gallicas, hoc consilio, ut, si res facultatem

tatem esset habitura, hostiles naves, quibus copias & instrumentum bellicum cum commeatu vellent imponere, incenderent. Antequam liburnicae, & qui ad mandata Régis perferrenda missus erat, Britanniam attigisset, litterae perferuntur Reginae huc ad Regem, nunciantes, se imperasse, ut sine mora quadraginta navium longarum classis deduceretur, & vela faceret in Galliam ad perdendas naves hostiles, quas infestaturas esse Britanniam rumor erat. Qui symphonicorum modulatissimus concentus major esse potest, quam hic sententiarum & consiliorum Régis & Reginae, cum neuter de alterius mente quicquam haberet compertum, ac per locorum intercapedinem habere poterat, ut Guilielmum & Mariam non fortuna, sed morum similitudo & animorum consensus conjugasse videatur. Consentiebant de ipsa re, de iis, quae rem circumstant, de numero navium mittendarum, de Praetore, cui cura classis erat mandanda. Hic est ille verus amor, qui ita conglutinat animos,

ut nihil possit esse copulativius, ut nulla temporum, nulla locorum longinquitate queat divelli, quique tantam conflict sententiarum concordiam, ut dislocari nulla vi possit: quam qui in Rege & Regina non videt, visamque non suspicit & admiratur, is coecus est, & quid sit admirandum ignorat. Maximum itaque Regi in Optimae Reginae amore praesidium fuit in omni fortunae temporumque varietate. Rex, antequam animum applicuerat ad matrimonium, ad eximium Caroli Secundi oratorem ad Ordines foederatae Belgicae missum, cum de uxoribus ducendis sermones aliquando fererentur, dixit, sibi in conditione quaerenda curarum omnium primam futuram esse, optimam inveniendi. Hujus voti se competentem fecit ipse. Non meliorem uxorem, si soli, quod ajunt, quaerenda data fuisset, potuisset reperire.

Sicut autem Regi in amore Reginae, sic in Ejus beneficentissima natura quantum praesidii fuit non modo civibus, sed quibuscunque commodare po-

poterat, & benigne facere. Diem sibi periisse putabat, in quo non aliquod beneficium tribuisse compluribus meminerat. Nulla re suam felicitatem in ista indulgentia fortunae magis metiebatur, quam si quos posset felices reddere. Non tamen profundebat, & tanquam missilia spargebat promiscue sine judicio, sine diligentia beneficia: sed dabat eleganter, dabat considerate, dabat idoneis. Majorem capiebat voluptatem, si quod beneficium collocasset, quam si omnes homines omni beneficiorum genere se cumulassent, magisque gaudebat, cum quem aliquo munere affecisset, quam ille, qui afficiebatur. Beneficiorum, quae ab ullo unquam acceperat, nunquam obliviscebatur, assiduo illa recolens, nunquam ex animo illa patiebatur elabi; quae tribuebat aliis, vix recordabatur, tanquam memoriam perdidisset. Effusae liberalitati piissimae Reginae in calamitosos utinam paria possem invenire verba, & tali voce, tali prosequi oratione, ut ubique locorum audiatur! In

se restricta erat , in miseros & egentes
 proluxa , quae id se putabat habere ,
 quod isti a se habuissent. Quando non
 sunt experti hujus munificae & libera-
 lissimae manus largitatem cum multi alii
 in Britannia , Germania , Belgio , Pede-
 montio , tum in primis extorres Galli ,
 qui maluerunt omnium fortunarum ja-
 cturam facere , quam , quod omnibus
 fortunis eis erat carius , salutis animae ?
 A primis annis hujus benevolentiae in
 genus humanum splendor in Maria ful-
 sit. Princeps Arausionensis , non lon-
 ge postquam in manus Ejus Maria con-
 venerat , certam constituerat pecuniam
 Ei numerandam in usum , in impen-
 dium necessarium mundi & instrumen-
 ti muliebris. Quid Diva Princeps in
 illa aetate tenera ? Non strangulabat
 in arca hoc argentum , quae ab omni-
 bus fordibus erat alienissima , non ef-
 fundebat in sumtuosissimos paratus , in
 gemmas , margaritas , aliasque lautitias ,
 in quibus mulieres , quae longissime ab-
 sunt ab hoc fastigio , sic insaniunt , ut
 hoc furore jacturarum census virorum
 mer-

mergant : sed modico pro fortunae amplitudine sumtu in vestitum, & alia, quae poscebat tantae Principis dignitas, facto, diligentiam, frugalitatem, parcimoniam, ignotas aulis virtutes in aulam invehebat. Hoc magnum vectigal omne consumebat in levandis hominum honestorum & nobilium angustiis, qui non sua culpa magnis incommodis conflictabantur, sed fortunae communiumque temporum injuria eo redacti erant, ut non haberent unde uterentur, suumque tuerentur statum. O Reginam omni praedicatione majorem! Quis enim tam liberalis ac benefici animi praestantiam satis digne praedicare queat? Num quae mediocris conditionis mulier est, quae pecuniae in ornatum datae velit subducere, quod in egenos eroget, cum plerisque quod datur non suppeditet sumtibus, quos nimios faciunt in exornando corpore? At Reginam cum aliis feminis comparare, injuriam est facere divinis ejus virtutibus, quibus summorum virorum laudes aut aequavit aut superavit. Nul-

lum ex hac liberalitate fructum alium aut capiebat aut petebat, quam conscientiam recte factorum. Non jactabat sua beneficia, non imputabat. Mittebat sua congiaria saepius per ignotos homines, quibus non licebat prodere muneris auctorem, ne pudorem oneraret accipientium. Tantum abest ut inire gratiam ab iis, quibus liberalem se praebebat, vellet, ut spem quoque gratias agendi illis praecideret, cum plerique omnes insperatae & nec opinatae liberalitatis datorem ignorarent. Arcesilaus valde laudatur, qui amici pauperis, sed paupertatem dissimulantis pulvinari subjecisset sacculum plenum auri, ut clam succurreret inutiliter verecundi egestati. Quibus laudibus tollenda est Maria, quae non amico, sed exteris & peregrinis, quos non viderat, quorum tantum audiverat mala, praeter omnem eorum spem & opinionem aderat. Nec semel iterumque hos liberalitatis fontes reclusit, sed constanter, quotannis, quam diu superstes fuit, ut non impetu, nec morbo,

bo, sed ratione & consilio existimetur dedisse. Ex Britannia misit certos homines, qui hoc liberalitatis tributum, ut ita dicam, dependerent, illisque mandavit ut de istorum, quibus esse subsidio decreverat, rebus ad se referrent bona fide, ut liberalitatem augeret, si ad egestatis molestias levandas forte non sufficeret quod miserat satis grave pondus auri. Gallos vero profugos, spoliatos omnibus fortunae praesidiis, quae corripuerant harpyae domesticae, quanta foverit benignitate ipsi & hic, & in Britannia testes sunt. Obierat Illustrissima Vidua, quae Principi in Germania nupta fuerat. Illi annua pensio debebatur & solvebatur ex aerario communi Ordinum. Haec pecunia ut converteretur in usum & tutelam Gallorum, in primis matronarum nobilium, quae religionis causa solum verterant, nec artem ullam poterant facere, qua in sumtum quaerere, domi molliter educatae, & amplis opibus innutritae, soli Reginae debent acceptum referre, cuius studium bene de miseris merendi

O

nun-

nunquam fatifcebat. Ad Allobroges & gentes Alpinas nostrorum facrorum & fymbolorum, longis erroribus, inedia & miseria exhaustas, cum rediiffent in patriam, ad fufientandos quatuordecim praecones verbi divini, & totidem anagnofas, nec non tot egentiffimos homines aliquoties grandem pecuniae fummam juffit perferri. Nec parciore fuit benigniffima Regina in claffarios, qui ex depreffis navibus, quas hoftes incendiffe fuperius audiviftis. Enatarant omnibus nudati & fpoliati, plerique vulneribus etiam confecti. Quotquot Londinum venerant, venerant autem non pauci, Reginae mandatu veftimenta praebita, & ad vitam tolerandam pecunia. Providit etiam ut in littoribus Canti, faucii exciperentur, foverentur, curarentur, & haberentur benigniffime. Caeforum uxoribus & liberis mifit liberaliter in has terras argentum, quo jactura facta refarciretur, & leniretur dolor. Denique in omnibus Britanniae & Bataviae partibus liberalitatis fuae innumera impreffit veftigia. Cle-

Clementiae non minus specimen erat unicum Regina, quam liberalitatis. Malebat oblivisci injuriarum, quam illas ulcisci. Meminerat enim hoc etiam vilissimae plebis esse, illud vero eorum, qui magno & celso ceteros mortales supereminet animo. Nec laude justitiae ullo fuit inferior Areopagita: Nihil dabat gratiae, nihil odio. Nemo vel poenam vel multam pependit, in quem non mitius animadversum sit, quam ipse cogitarat, aut sperare poterat, si legibus fuisset actum.

Honor nemini fuit habitus; quin praemium longe superaret merita. Qua fuerit innocentia & continentia in tantis opibus, Vos ipsi non potestis ignorare, qui nostis, quam pia fuerit; nec de castitate quod addam habeo, qui audiveritis, quam fuerit amans Regis. Ne vocem quidem sustinere poterat liberiores, aut quae Fescenninam licentiam redoleret; foeminae, quam violasse pudorem aut fama erat, aut suspicio, ne conspectum ferebat. Gynaeceum Ejus erat sacrarium quoddam pudicitiae,

tiae, integritatis & sanctimoniae. Civilitatem in regia natae & educatae Mariae omnes mirati sunt, in primis Batavi, cum primum in Bataviam venisset. Antequam illam experti essent, multi metuebant regnatricem domum, & fastum aularum, in quibus civilitatis nomen aut inauditum est, aut invisum. In cultu, in victu, in instrumento Principali, in communione sermonis, in officiorum mutuo commercio vix quicquam excedebat civilem modum. Quam faciles ad Eam aditus omnibus horis, quas vacuas habebat a cultu divino, aut regni administratione, omnibus hominibus patebant. Nam licet horas illas feriatas consumeret in lectione librorum, qui aut res gestas omnis memoriae, aut qui situm orbis terrarum descripserant, unde vix quisquam sic novit suam domum & agellos, quam Regina norat terrarum, insularum, regnorum, urbium, fluviorum, montium, qui ubique erant, positum ac ingenium, ut & cultorum mores, sacra, leges & instituta, ut & in

in hoc doctrinae politissimae genere nihil elegantius esset Maria & politius : nulla tamen tanta erat voluptas , quam ex lectione hac capiebat , quae Illam ab ullius abstraxerit tempore. Quo unquam non dicam regulo , aut dynasta , sed consule ulla civitas ac populus est usus commodiore & communiore , quam hac Principe Batavi & Britanni. Comitas & sermonis suavitas , qua virtutes omnes condiebat , fidem superat. Ut majestate cunctos anteibat , sic humanitate neminem se patiebatur anteire. Non possum , quin unum ex magno numero Vobis commemorem raræ comitatis & bonitatis exemplum , Vir nobilissimus potentissimi Principis legatus , cum Hagae Comitissae Mariae praestitisset officium , excedens ex cubiculo , ne tergum obverteret Principi , ibat cessim venerabundus semel iterumque. Forte quadam accidit , ut cum secunda vice Principem veneraretur in recedendo , lychnucho in laqueari suspenso , quem aut non viderat , aut de quo tum non cogitabat , galericulus ejus non sentien-

P.

tis

tis implicatus obhaereret, ut caput totum nudaretur, vultus vero rubore suffunderetur, praesertim cum difficulter futile capillamentum expediretur, matronae & nobiles puellae, quae in hoc officio salutationis apparebant Principi, effundebantur in cachinnos, sola Princeps ne subridebat quidem, sed eadem fronte haec adspiciebat, qua legati audiverat orationem. Una matronarum primi loci, maxime gratiosa, post oratoris excessionem admirata Principis in ridiculo hoc casu severitatem, sustinuit quaerere, qui potuerit risum tenere, respondit Princeps: Injuriam fecissem legato, si, qui joculari hoc malo, in quod incidit non sua culpa, factis confusus est, risu intempestivo cumulassem ejus pudorem & conturbationem, quod nefas ego duco & contra officium. Hoc dicto, ne alia tangam, animum suum bonitatis & humanitatis plenissimum magis nudavit, quam illa lucerna pensilis capitis legati calvitium. Hac serenitate frontis, & oris suavitate sic permovebantur omnes, qui ad Regi-

nam

nam admittebantur, ut non Reginam, sed beneficam quandam & propitiam hominibus Deam, se vidisse putarent. Divinae huic bonitati adjuncta erat singularis gravitas, & principatum ac libertatem miro quodam modo miscebat. Tanto autem virtutum choro, quam splendidum diversorium metata erat natura. Qui formosissimi oris honor, quae frontis serenitas, qui oculorum fulgor & hilaritas, quae totius corporis majestas! Nemo Eam intueri poterat, quin hac dignitate percelleretur. Hinc non mirum tanta corporis animique ornamenta in omnium animis tantam admirationem & amorem excitasse, ut tanquam Diva quaedam coelo demissa ad illustrandum hoc saeculum, & ad procurandam salutem tot gentium amaretur & coleretur, & tantum sui desiderium reliquerit apud omnes. Sicut autem in omni vita sibi semper fuit similis, sic & in morte non a se defecit. Sanctissimo totius vitae proposito mortis piissime & constantissime obitae ratio plane respondit. Ut adversus cetera, sic ad-

versus omnium terribilium terribilissimum mortem animus ejus fuit invictus. Nec morbi atrocitas, nec in tam viridi aetate, in tot vitae blandimentis, mors imminens tantum in Reginam potuerunt, ut ullum tristioris animi signum ederet, sed e contrario imperterritae ex hac vitae statione, cum audiret & sentiret se avocari, decedentis indicia fuerint plurima & illustrissima. Cum summe reverendus Archiepiscopus Cantuariensis, paucis antequam exspiraret diebus arcessitus, Ei significaret indubitata mortem impendere, vasa esse colligenda ad iter, quod serius ocyus omnibus sit faciendum, placide sine ullo aegri animi, quamvis corpus vi morbi debilitatum esset aegerrimum, argumento respondit, non hoc primum die se coepisse comparare se ad mortem, per omnem vitam se Deum coluisse. O vere dignam tanta Regina, dignam omnium seculorum memoria vocem! Imbiberat, non dum demum nos mori cum finimur. Nascentes morimur; Quotidie aliquid de vita nostra non sen-

sentientibus carpitur, ac paulatim omnis conficitur. Nec se piissimam Reginam, nec Antistitem fefellisse indicio est commemorandum dictum, quod effata est sexennio ante fatalem sibi diem, cum adsideret Viri Generosissimi Uxori, quam in primis amabat, & magni faciebat, extremos ducenti spiritus, ut illam confirmaret ac solaretur. Petebant qui aderant, ut vultum averteret ab animam agente & jam jam exspiratura. Noluit Regina, praefata rarissime accidere, ut sui loci & ordinis hominibus detur tale videre spectaculum, quod nunc divini Numinis consilio sibi offeratur, ut inde proficeret ad vana vitae nostrae rectius intelligenda. Quantum profecerit, novissimi dies, quos egit, docuerunt. Post piissime coelesti pane corporis & sanguinis Christi magno cum dolorum, quos Sospitator pro nobis tulit, sensu anima est passa. His sacris epulis refecta abjecit omnium rerum terrestrium curam, ut nihil aliud cogitaret, quam ut soluta hac corporis custodia frueretur Deo, quem

quem in terris amaverat tam ardentem, & coluerat tam caste. Valere dixit Regi his verbis, quae a me Latine efferuntur. Non enim quae dicere potuit, sed quae dixit, auditis. Jam linquo terram. Spero Rex te nunquam dubitasse de mea fide & amore. Moderare dolori. Opto ut quo gaudio ego decedo, tanta tu facilitate moerori modum ponas. Non longe pest caelestem exhalavit animam Divina Maria in manibus & complexibus Regis, qui nunquam secessit, ac ex Ejus cubiculo pedem extulit die nocteque, quam diu gravissimis tribus morbis, variolis, ut vocant, erisypelate, & feбри pestilente, quorum singuli hominem facile possunt jugulare, infestata jacebat. Quo Rex fuerit dolore confectus praestat silere, quam operam & verba perdere. Nulla enim inveniri possunt quae magnitudinem istius moeroris ulla ex parte possint assequi. Semper fuit Regi fortissimo, animi tanta firmitas, tantumque robur, ut quibuscunque iratae fortunae telis impugnaretur, nunquam moveretur, nunquam cederet,

ret , sed omnia celfo exciperet animo. Nemo unquam , quaecunque efflet faevientis fortunae vefania , in Rege ullum triftioris animi fignum deprehendit. Huic dolori refiftere non potuit vi amoris ac defiderii victus , cum amiffiffet omnis fortunae , omnium confiliorum , curarum , laborum , cogitationum omnium fociam certiffimam ac fidiffimam , quae tam longe muliebris generis praeflantiam omnem fupergreffa eft , ut vix ullius mulieris virtus ullis feculis eam unquam confequtura effe videatur. Fortaffis ideo Superi noluerunt ex Ea fobolem provenire , ne fe & marito deteriozem ederet , quia ulterius progrediendi locus non erat. Quis igitur miretur , invictam illam constantiam , & impavidum ac tranquillum in omnibus hujus vitae tempeftatibus atrociffimus animum Guilielmi , hoc fulmine fuiffe tantopere commotum & concuffum , ut aegre potuerit ad aequitatem extolli. Careret enim una omnium Optima & Sapientiffima Regina , cum Illa maxime frui potuiffet , & infinitas capere utilitates ex Ejus

fide, prudentia, & opera, quam nava-
 bat in summare domi pulcherrime ad-
 ministranda, cum Ipse foris res ageret
 maximas praecclarissime. Nemo tam fer-
 reus est, ut possit sine amarissimo do-
 lore pati, si dimidium animae tam vio-
 lento ictu ei reciditur. Nulli tamen
 dubitamus, quin, qua est incredibili sa-
 pientia, Rex animum brevi, quamvis
 dolor nunquam possit exhauriri, recol-
 legerit, illumque a moeroris acerbitate
 avocarit ad consummandum, quod fe-
 liciter profligatum est, opus illud, quod
 orbis terrarum oculos in se convertit,
 quippe a quo illius fata pendent, ut
 Ejus virtute & consilio otium, tran-
 quillitas & securitas Europae reddatur,
 & sic fundetur, ut non arma solum de-
 ponantur, sed cum armis omnis armo-
 rum metus. Propterea sicut Reginae
 morte, tanquam domestico vulnere
 accepto incredibiliter doluerunt omnes,
 sic pro Regis salute & incolumitate nunc
 vota nuncupant omnes, quibuscunque
 salus & libertas Europae curae est &
 cordi. Fuit Maria. Fuit flos Regina-
 rum,

rum, seculi decus, amor populorum, orbis terrarum deliciae, pauperum horreum, miserorum ara. Nihil Tu amifisti Optima Maxima Regina, quae vitae tam sanctè, caste, & sapienter exactae fructum nunc capis sempiternam beatitudinem, malis omnibus, quibus miseri in his perditorum temporum procellis & fluctibus jactamur, defuncta. Rex amisit levamentum curarum, populi ornamentum rebus secundis, subsidium adversis, boni omnes partiumque bonarum studiosi praesidium unicum. Excessisti quidem ex hac vita, sanctissima Regina, in ipso aetatis robore, sed quam Tibi de hujus brevis vitae usura mors acerba detraxit, tantum adjicient homines ad Tui nominis gloriam, celebritatem, memoriamque sempiternam. Non haec vita Tua dicenda, quam in his corporis vinculis vixisti, sed illa Tua vita est, quam vives immortalem in omnium populorum animis, qui tuarum virtutum admiratione & amore semper flagrabunt. Non est, quod Tu doleas, nullos liberos ex Te Regem tulisse,

R

quod

quod unum visum multis est Tuae, cum hic in terris ageres, defuisse felicitati, idque tenebrio quidam maledicentissimus tanquam crimen quoddam nuperius exagitavit. Regi sane & nobis id summo dolori est. Verum ut olim Epaminondas, cum ei exprobraretur orbitas, jactabat, se relinquere filiam ex se procreatam, pugnam Leuctricam, quae non solum post sibi superstes, sed & immortalis sit futura. Tu Beatissima Maria, Mater tot regnorum & populorum, Mater calamitosorum, Mater egentium, relinques tot filias nunquam intermorituras, laudes & gloriam sempiternam bonitatis, beneficentiae, liberalitatis, clementiae, mansuetudinis, ceterarumque pulcherrimarum virtutum, quae victurae sunt cum compages Tui corporis dilapsa fuerit in pulverem, unde concreta est in mentibus hominum. Haec vita in omnem seculorum memoriam Te consecrabit. Non abscondet Te marmoreum Mausoleum, non aurea urna. Tuus tumulus erunt nostra pectora.

D I X I.

E P I C E D I U M
IN OBITUM
M A R I A E

Magnæ & Incomparabilis
Angliae, Franciae, Scotiae, & Hiberniae

R E G I N A E

Q U A M

FUNEBRI ORATIONE LAUDAVIT

VIR CLARISSIMUS

JOANNES GEORGIUS GRAEVIUS

III. Non. Mart. MDCXCV.



*Reone Quae fueras verae pietatis Imago
Tam celeri occumbis praecipitata gradu?
Tantane Te poterant inceßere taedia nostri
Coeli tanta suis cum satianda foret?
Durum si mortis telum mitescere fletu
Posset; & infamem sistere Parca colum,
Non hic lugubri ploraret Praefica planctu;
Nec fluereñt mædids lumina nostra genis.
Publica discendi causa est, & publica flendi,
Nec Tua sunt fletu busta riganda meo.
Non sibi, sed vasto Regni Decus occidit orbi,
Quilibet in Tanto Funere funus habet.
Misceat innumeros mecum Battavia luctus,
Misceat & lacrymas Anglia moesta suas.
Si gemitus unquam tristis mors jussit acerbos,
Si tremulos, fletus haec violenta jubet.
O funeste dies! quo MAGNA STUARTA peremta,
Consort Imperii, REX GUILIELME, Tui.
Religio, Pietas, Probitas, Clementia, vera
Gloria terrarum, non reditura, jacet.
Haec Reginarum meruit Regina vocari,
Non aliam centum secla tulere parem.
Hujus si Graevi sermo sit honoribus impar,
Quis posset Latio dignius ore loqui?*

ALBERTUS DE GREVE, P.F.

M U I A D D I U M

M Virum Clarissimum

JOANNEM GEORGIUM GRAEVIVM

Doctorem optime de se meritum

C U M

Augustissimae Magnae Britanniae Reginae

MARIAE STUARTAE

Publice parentaret.



Um ferrugineis induta Britannia pallis
Iusta facit Dominae non repetenda suae:
Dum Tamesis querulos mittit trans aequora plan-
ctus,

Aggemit & moestis terra Batava sonis:
Ultrajectinae lugent immane Camoenae,

Itque comes magnis Graevius exequiis.

Hei mihi! quos gemitus, quantas urbs tota querelas
Illius ad lessum fundere visa fuit!

Flebat; ut extinctam crudeli funere matrem
Plorat ad incensos sordida gnata rogos.

Quocumque aspicias, subit una doloris imago;
Templa, viae lacrymas & domus omnis habent.

Nec tua, Doctorum Graevi laus summa virorum,
Successu poterant verba carere suo.

Te nihil est Batavis doctrina majus in oris,

Nec minus ipsa Hellas, quam tibi Roma patet.
Fallar an in mediis populum tibi stibus omnem

Audierim plausus ingeminare suos.

Non Illo quisquam narrandis laudibus, inquit,

Accessit propior, Diva MARIA, tuis.

Serior O Batavis, Trajectinoque lyceo

Sol lucis radios praebat ille suae!

GODOFREDUS CLERMONT
S.S. Theol. Stud.